



## **ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ**

Հայաստանի Հանրապետության «Շիրակի Մ. Նալբանդյանի անվան պետական համալսարան» հիմնադրամը (այսուհետ՝ ՇՊՀ), ի դեմս ռեկտորի ժամանակավոր պաշտոնակատար Երվանդ Մերոբյանի, ով գործում է ՇՊՀ Կանոնադրության հիման վրա՝ մի կողմից և «Կանայք հանուն զարգացման» ՀԿ-ն (այսուհետ՝ ԿՀԶ ՀԿ), ի դեմս նախագահ Գոհար Մարկոսյանի, ով գործում է ՀԿ-ի Կանոնադրության հիման վրա՝ մյուս կողմից, (այսուհետ՝ Կողմեր), հիմք ընդունելով բարձրագույն ուսումնական հաստատություն – հասարակական կազմակերպություն համագործակցության ապահովման, կողմերի գիտատեխնիկական և կադրային կարողությունների լիարժեք օգտագործման և առաջավոր փորձի փոխանակման անհրաժեշտությունը, կնքեցին համագործակցության հուշագիր (այսուհետ՝ Հուշագիր) հետևյալի մասին.

### **1. Հուշագրի առարկան**

1.1 Սույն հուշագրով Կողմերը նախատեսում են Հայաստանի Հանրապետության օրենսդրության շրջանակներում համագործակցել հուշագրի 2-րդ մասով նախատեսված ուղղություններով՝ իրենց հնարավորությունների, միջոցների և փորձի կիրառմամբ:

### **1. Հուշագրի նպատակը և համագործակցության հիմնական ուղղությունը**

Հուշագրի նպատակը Կողմերի միջև կրթական ոլորտում գործընկերային հարաբերությունների հաստատումն է, աջակցությունը ՇՊՀ ուսանողներին մասնակցելու ԿՀԶ ՀԿ և գերմանական Kreisau-Initiative e.V. կազմակերպության կողմից Erasmus + ծրագրի շրջանակներում համատեղ իրականացվող Model International Criminal Court դասընթացներին, որը տեղի կունենա Լեհաստանի Կրզիզովա քաղաքում 2020թ. մարտի 6-13-ը ընկած ժամանակահատվածում:

### **2. Կողմերի իրավունքներն ու պարտականությունները**

2.1. Կողմերն իրավունք ունեն հանդես գալու Հուշագրով նախատեսված միջոցառումների կազմակերպման ու անցկացման նախաձեռնողի դերում:

2.2. Համագործակցության նպատակով, Հուշագրի հիման վրա, Կողմերը պարտավորվում են.

ա/ ժամանակին միմյանց փոխանցել համապատասխան տեղեկատվություն, որը վերաբերում է Հուշագրով նախատեսված ծրագրի ու դասընթացների անցկացմանը,  
բ/ անվճար հիմունքներով խորհրդատվություն տրամադրել ծրագրի ու միջոցառումների կազմակերպման ու անցկացման հարցերում,  
գ/ ապահովել անհրաժեշտ պայմաններ՝ դասընթացների մասնակիցների ընտրության հետ կապված նախապատրաստական աշխատանքներ իրականացնելու և անցկացնելու համար,  
դ/նախօրոք տեղյակ պահել միմյանց համագործակցության ընթացքում առաջացող խնդիրների միասին և համատեղ ուժերով ապահովել դրանց լուծումը:

### 3. Հուշագիրն ուժի մեջ մտնելու և գործողության ժամկետները

- 3.1. Հուշագիրը բաղկացած է 2 էջից և ուժի մեջ է մտնում Կողմերի ստորագրման պահից:
- 3.2. Հուշագիրը կնքվում է 1 տարի ժամկետով:
- 3.3. Հուշագիրը կարող է լուծվել Կողմերի փոխադարձ համաձայնությամբ:
- 3.4. Կողմերից մեկի նախաձեռնությամբ Հուշագրի դադարեցման անհրաժեշտության դեպքում մյուս Կողմը պետք է տեղեկանա այդ մասին գրավոր՝ ենթադրյալ լուծման պահից առնվազն 10 օր առաջ:

### 4. Եզրափակիչ դրույթներ

- 4.1. Հուշագիրը Կողմերի համար որևէ ֆինանսական պարտավորություն չի առաջացնում:

### 5. Կողմերի իրավաբանական հասցեները

«Շիրակի Մ. Նալբանդյանի անվան պետական համալսարան» հիմնադրամ  
Հասցե՝ ք. Գյումրի, փ. Պ. Սևակի-4  
Էլ. Հասցե՝ [info@shsu.am](mailto:info@shsu.am)

Հեռ.՝ +374 312 6 94 94

Ռեկտորի ժամանակավոր պաշտոնակատար Երվանդ Սերոբյան



«18» դեկտեմբերի 2019թ.

«Կանայք հանուն զարգացման» ՆԿ

Հասցե՝ ք. Գյումրի, Շահինյան 6ա, բն.16  
Էլ. Փոստ՝ [info@wfd.am](mailto:info@wfd.am),  
[goharmark@gmail.com](mailto:goharmark@gmail.com)

Հեռ.՝ +37433007

Նախագահ՝ Գոհար Մարկոսյան



«18» դեկտեմբերի 2019թ.